

丙銓奏草

卷之一



內銓奏草序

米璽佐



當

伍月底

皇上御宇之十二年

萬幾惟勅百廢俱

新收乾隆元年陸月分

無

內全奏草

部宗

與猶懼幽隱之不
燭而羣情壅於上
聞也於是獨出

睿斷特設司吏尚方

等院衙門務期內
外夾輔

官府協臧以登郵隆
之上理抑又

綸語煌煌誥誠備至

藹爾春溫凜然秋

肅一時在位諸臣

躬逢其際罔有不

竭蹙奔走以仰荅

副託責成之至意者

葵菴王老先生以

冲齡秀品樹幟內

以上三共六文讀 詔銀以給伍兩米錢陸釐伍毫

捌日分

舊管乾

官書給

兵災給

收發

庭察案靡不膾炙

其人屬司靡不山

斗其望乃

先生居心愈下爲

慮愈周嘗恐不克

負荷以貽

聖天子憂夕惕朝乾

冰兢自矢平居嘗

言丈夫立朝進不
能卓有建樹以酬
至上之眷退不能綽
有令譽以招士大

夫之譏覲顏媿心
如遭際何凡爲臣
子亦惟是直心白
意將之以無欺而

已耳繼之以敏慎
而已耳如斯黽勉
焉知其它余與
先生比肩侍

駕於茲有年常聞此
語爲之猛醒因思
夫人各有心心貴
無纖毫之不盡人

遊擊

外委

外委

火器

馬戰

步戰

守兵

官正員

總查員

總查員

委在總查員

各有職職貴無苟

且之是塞無欺以

盡心敏慎以盡職

先生其庶幾乎故

自其受事內庭銓

政以來凡進

御章牘每閱館抄輒

令人景慕然隨遇

右翼月分

內金卷

卅字

而置不過曰修詞
之整立意之確而
已今則其門人劉
君綜先生全抄付

刻焉集曰內銓奏
草屬余爲序余閱
其集始媿向之知
先生猶淺也靜玩

馬賢
不委把總

全詞皆時事名理

之譚志高而言盡

無意為文至文自

呈又豈字句求工

博曲見巧者之所

比擬也耶

先生之集既成

先生之望益著居

實生乾

遊擊

守備

千總

把總

外委

大臣之位據格心

之忠精詳懇惻識

度超遠上不負

創設內庭之苦心下

以作奕代調劑之

成法立言與功德

并隆報

國於身心無媿吁嗟

夫

錄壹拾伍兩捌錢捌分壹釐壹毫壹絲壹忽外實支銀伍百壹拾肆兩捌

先生之言與功德

錄玖分壹毫壹絲壹忽外實支銀伍百壹拾肆兩捌

尚矣永

上蘇... 洋新銅... 銀陸千貳百...

先生之言及功德

者其劉君乎蓋

友步戰

先生之集傳

錄貳百伍拾

先生之三不朽也

錄貳百伍拾

余無以為序於是

錄貳百伍拾

馬在... 宜匹每... 支訖... 共支銀伍拾捌兩...

內金表草
郭氏
始終言之

順治拾有叁年貳

月壬申金臺郭慎

行無垢甫題於長

安之石雲軒中

內銓奏草序

從來立德立功立言之名
臣未有不表著於盛明之
世者也故德功或有不傳
而言無不傳者以言乃德
功之聲也惟建白之爲濟

時之至論昭垂之爲曠代
之青史總視其人何如耳
視其言何如耳今我

皇上開中天之景運闢草昧之

經綸耀武右文

帝學日新於稽古投戈講藝

宸衷獨徹於窮經孜孜乎制作

修明成一代維新之治矣

此時

王國之楨濟濟多士豈無抱

匡時之志敷奏於

帝座者歟然或輿見之未廣執

內經考真 卷之五
經之未權言也而非其位
之所該議也而出於性之
所慙亦奚裨於創治之資
乎藉曰一二有當未許稱
絕軌也

葵菴王老師英敏異質學

術超羣見無偏執叅之常
變之宜事晰幾微合之獻
替之計所以誠可格

天忠能獲

上動中窾縻也我

皇上知其蘊藉宏博欲爲天下

得人特簡爲司吏院承院
以表率羣僚

老師其居得言之地盡當
言之事斟酌於夏商之間
出入於秦漢之內要期乎
上盡祇恭下肅班聯盡其

所欲言而忌諱不避自牖
之道行乎其間也有言如
此

天子寧不嘉納而悅從乎恒也
不才夙欽

老師指範仰服

內金奏草 獨片 四
經籌慕雅化而景行未及企
微音而歌頌難名一悟雖嗜
矢慎之詞因不敢寶之
石室請而梓之以誌

老師之忠悃而

老師若谷之衷仍不欲見

之尺幅迨請之再三始勉
取其笥中之稿而授之一

展誦間誠哉拜揚之休聲

喜起之良帙也豈徒芬噴

於詞章之迹也哉因題之

曰內銓奏草云

內銓奏草
卷之一
劉有恒
五
峇

順治丙申歲春仲月穀旦
御前近侍司吏院右院使前文
書館左書紀惜薪司知事
門人劉有恒頓首謹序

內銓奏草卷之一

祈假探視祖母疏

奏爲懇祈

天恩准假以遂烏鳥私情事臣進善生逢不造

怙恃早亡兄弟煢煢伶仃孤苦嗟嗟誰無

父母臣何不幸至此極也賴有祖母撫養

成人哀哀劬勞涓滴未報欣蒙

皇仁溢格造就身膺

王事於茲有年去歲迎臣祖母來京欲借升斗

內金... 卷之一
之積少伸反哺之私孰期老景不堪摧殘
跋涉風塵遂成痼症乃見其顏色憔悴形
容枯槁非復昔日之景矣至於行步之間
非倩人扶持不能動履念臣同祖母俱載
皇恩原思不時承歡庶免內顧之憂無奈疾病
時侵故園遠隔老年思鄉又難久滯於是
遣人送回原籍昨臣家人來京云祖母思
臣饘粥少進病勢益篤臣聞之不勝悲慟
因思

君恩未報敢萌烏鳥之私撫昔傷今進退維谷
但以報我

皇上之日尚多而報祖母之日覺其無幾况我
皇上以大孝仁義治天下倘荷

哀矜俾臣前去一探事畢卽旋是祖孫之永訣

在此一舉臣與祖母頂沐

浩蕩洪慈當無窮期矣臣不勝惶悚待

命之至順治拾貳年拾月拾陸日奏拾柒日奉
御旨衙門事務殷繁王進善著照舊辦事這請

假不准行欽此

進呈條議疏

奏爲微臣原屬庸菲丹誠久注

宸衷謹就目前時政謬陳末議仰祈

睿鑒以盡臣愚事竊臣進善何修何幸叨蒙

皇上溢格恩培寵遇有加愆尤屢

赦真不世之遭逢千載之奇邁也臣是以日夜

思維靡由圖報雖犬馬尚知啣結而臣之

具有心胸安能忘其

造就其於治平大要臣年幼未諳不敢輕瀆

天威惟是應盡之下悃謬陳目前之舉修謹構

鄙議十疏仰惟我

皇上俯賜鑒裁施行或一得之愚未必無小補

於政治也臣不勝悚惶之至順治拾貳年

拾月貳拾肆日奏貳拾伍日奉

御旨這條奏十疏俱有裨吏治知道了該衙門

知道欽此

條議請定考滿疏

內鏡奏草 卷之一
題爲首疏請定考滿仰祈

睿鑒以廣勸賞事竊照黜幽陟明乃

國家之大典計俸循資斯臣子之階級今如各官之朝聞命而夕受事矣又緣缺懸需人因而遷轉不定以及坐席未煖政務多疎當茲事事整頓庶物咸舉其中因革損益尤必悉心料理始可望其爲

國攄忠而慶得人也若以隨陞隨調忽降忽補於中賢與不肖薰蕕不辨何以示其勸

勉而勵人心乎

臣

不揣愚見謬陳一得之

愚所有見在各衙門任事屬員各官合無比照外官例蒞任三年連閏共計實歷三十六箇月方得給由考滿然而又有說焉而外官之中陞轉亦有未及三年者因其政聲洋溢超出尋常或有合詞公舉者亦有特疏薦揚者卽蒙

欽擢斯亦鼓舞臣工一大機括也外官雖以爲然有因上發號件未結錢糧徵收不清必

內鏡奏草 卷之一 四
待三年勢所必然今我

皇上設立十三衙門若以爲例乎恐其爲日似
久倘或念其朝夕勤劬勞勩可嘉者從中
酌量減去貳年止以壹年爲定連閏共計
壹拾貳箇月永以爲例各官之中有因才
幹優擢是在

天恩鑒拔非臣所敢必也但考滿之官必由各
該衙門印官覈其政事之勤惰稽其任內
之功績無疵無瑕然後許其給由類題循

資優轉俾其執玉捧盈之品得冀上進之
階而闕茸無聞者亦可以杜濫觴之門矣

抑臣更有請焉其於各衙門印院等官亦
須貳年考滿咨達臣衙門得以爲照據題

可也順治拾貳年拾月貳拾肆日題貳拾
伍日奉

御旨這本說得有理著司吏院等衙門會議具

奏欽此

條議引見行禮疏

題爲次疏引見之典當申

國體難容褻越仰祈

共慶庭

睿鑒以重體統事竊照司吏院衙門職專激揚其各監局之官員原屬臣等之舉用邇年以來所有陞補之官理宜躬謝

天恩方行前去到任理事近見

陞見之官多有攙前越後參差不齊草率褻慢莫此爲甚雖我

皇上下德涵容不以失儀見咎而臣等之侍從

傍觀驚怖戰慄措躬無地矣已往之事難以復追但以引見一事原所以甄別其人
才而衡鑒其品格也嗣後陞補官員合無令其各具職名預期先赴臣等衙門報知以便臣等次第引見然後使其各按品級入班行禮事畢仍是臣等引下循規蹈矩永以爲則儻有其中禮節不諳倉皇失儀尤在臣等指名糾叅請

旨處分庶

內鏡身草 卷之一
國體得以觀瞻而

至尊毋容褻瀆萬世宏規端在是矣如果臣言
不謬伏祈

皇上鑒俞施行順治拾貳年拾月貳拾肆日題
貳拾伍日奉

御旨着議奏司吏院知道欽此

條議內官監一例推補疏

題爲參疏臣子服勞惟均

皇仁亦宜并霑仰祈

睿鑒以勵臣工事竊照在內各衙門之官凡遇
有缺皆得列名推用獨內官監之官凡有
陞轉皆不得預其所以然者雖緣工程之
事惟內官監之官方能諳曉其別衙門之
官以不悉該監之修造故不陞入內官監
而內官監之官亦不陞出是別衙門之官
獨邀陞補之

恩而內官監之官終無遷轉之日也况其中亦
有奉職如常者亦有勤勞茂著者若不示

內銓奏草 卷之一
陛用以昭勸懲之

典何以勵後效而鼓向往之心合無仰請

明綸今後凡遇陞轉員缺內官監應陞之官司

吏院亦宜一例推補如以

大工未完督催緊急暫令其仍辦該監之事俟

工程報竣之日方許赴所陞之衙門庶勤

慎者愈加勉力其有裨於修造者不淺矣

如果臣言不謬伏祈

皇上鑒俞施行順治拾貳年拾月貳拾肆日題

貳拾伍日奉

御旨這本說得是著司吏院議奏欽此

條議罰俸開復疏

題爲肆疏降罰固

朝廷懲創之

典廩俸實臣子養廉之需仰祈

睿鑒以廣

覃恩事竊照賞有功以罰有過迺勵世之大權

施

雨露而霽雷霆誠

寬贖之鉅典今在內大小臣工或因怠事致愆或因錯誤獲咎荷蒙

洪慈垂宥降級之外各罰本身俸銀或壹年半
年不等甚至一罰未滿再罰又至經年累
月不得霑俸祿之

恩此固臣下自獲之戾何敢贅言但念臣子服
勞盡職日日奔趨其所以贍養家口以及
一身之用費者惟此俸銀是賴况所罰之

內過有公私失錯之分情有輕重大小之
別咎旣懲於旣往

恩宜霈於將來合無仰請

皇仁凡罰俸之官各量其過之大小

准與分別開復庶臣下之養廉有資亦得以竭
力辦事圖報

隆恩也如果臣言不謬伏祈

皇上鑒俞施行順治拾貳年拾月貳拾肆日題
貳拾伍日奉

御旨著會議具奏該衙門知道欽此

准格年條議總督巡守一體會推疏

題爲伍疏內外均屬効忠陛轉似難岐視仰

祈

睿鑒以茲楨幹事竊照我

皇上勵精圖治需才甚殷當茲明良喜起之會

凡在臣工靡不納欵效忠以仰副

皇上寤寐之思有如景山瀛臺海子參處地方

迺

御駕不時臨幸之區是以因地擇人量材授事

原無拘泥於品格總皆出於任使所有

大內迤北者景山迤西者瀛臺

郊圻以南拾數里之遙名爲海子俱設有專官

曰巡守然雖畫地分疆在在稽察尤恐地

方遼濶事務紛紜又設一總督重臣居中

調度總統提撕其法最良其意極善於是

數月以來地方嚴謹處處關防大有改觀

非復向來之象矣然非我

內鏡奏草
皇上神聖許謨各官之加意整飭何以致此臣
於其中有不能已於言者夫總督巡守之
缺雖云外任然而陞轉則爲一體近見會
推之中而各臣均未列名臣意推陞原無
兩視各臣同事效忠合無嗣後儻遇推陞
之日照舊列名恭聽

簡用庶臣工鼓向往之心

朝廷有同任之視矣如果臣言不謬伏祈

皇上鑒俞施行順治拾貳年拾月貳拾肆日題

貳拾伍日奉

御旨司吏院議奏欽此

條議遴選館員疏

題爲陸疏章

奏乃密要之司用人宜才幹之品仰祈

睿鑒以重

綸綍事竊照文書館之設專司各衙門

題奏本章動關機密封呈轉

進責任綦繁與諸司之事大有不同也所用

各官必須老成歷練之人饒有才華之品
通曉文移諳練章疏者始可以膺厥職苟
用非其人倘致臨事錯悞不獨恐溷瀆
宸聰抑且有負設館專官之意也合無仰請
明綸頒發臣院今後凡推館員皆先考試文理
次或咨訪才品素著雅重沉潛方可推補
如一時按品乏人不妨遴選真才越次陞
用庶清要之地無濫觴之官諸司
奏章無紊錯之慮矣如果臣言不謬伏祈

皇上鑒俞施行順治拾貳年拾月貳拾肆日題
貳拾伍日奉

御旨著議奏該衙門知道欽此
請錄舊監疏

題爲柒疏

弘慈有普被之恩仰祈

睿鑒以昭

同仁事竊自

皇上御極以來凡

內庭諸臣無不蒙

恩錄用邇復設立院監司局等衙門新舊內員
皆荷

皇仁拔錄各授品官仰見我

皇上葑菲不棄良楛兼收是誠泰山不讓於土
壤河海不擇於細流凡屬臣工莫不頌如

天之德而感

浩蕩之恩矣

臣

何敢復有具陳但以隨

龍之舊監尚多昔在關東曾歷勞苦乃皆分隸

各包衣大下供事然其中豈無老成才幹

之人伏祈

勅下凡向隨關東舊太監皆令其投報

臣院開

名上

請或

特行點用或遴選才品堪任者授以職級中有
老邁病殘難以錄用者

頒諭所管包衣量免差徭庶舊臣無向隅之悲
朝廷有得人之益矣如果

臣

言不謬伏祈

內金奏章 卷之一 三
皇上鑒俞施行順治拾貳年拾月貳拾肆日題

貳拾伍日奉

御旨司吏院知道欽此

條議考覈尚方院疏

題爲捌疏嚴考覈庶別勸懲課言責始分功

過仰祈

睿鑒以重糾彈事竊照尚方院之設原所以承
問一切刑名糾叅各衙門事務

簡畀不爲不隆責任不爲不重在事各官自當

仰體

朝廷委任至意尤須虛心秉公無枉無縱凡有

鞫問者務宜平反得情期求至當以體

皇上仁愛之心凡有可論者定以白簡從事無

徇面以盡臣子糾叅之責庶不上負

洪恩下隳職業也但叅論事件之多寡問擬前

件之完欠若以漫無稽察則各官之賢否

何以得知奉職之勤怠何以表著合無仰

祈

內銓奏草 卷之一
勅下使其每於年終考覈一次要見一年之中
某官摘奸發伏某官糾論何人一一明晰
開呈

上覽恭請

睿裁至於庸菲無言卽爲戀位糜祿水落石出
其於勸懲激勵大有裨益矣如果臣言不

謬伏祈

皇上鑒俞施行順治拾貳年拾月貳拾肆日題
貳拾伍日奉

御旨這本說得有理著會議具奏該衙門知道

欽此

條議宮內官循資內轉疏

題爲玖疏內外受任迥別陞轉務期於定仰
祈

睿鑒以正名分事竊照

九重之上迺

天子所居之地其中侍衛各臣乃日近
天顏之側所以

王言如綸如絲一舉一動莫不仰視而佇聽者
至於恭捧

綸音傳宣

國政事務重大誠非渺小而各臣之恭謹侍
衛夙夜匪懈以及各司其職千經百練若
非我

皇上之參養恩培何以有此濟濟多才也但以
缺懸務須補官而內外要在一定夫在內
之臣不宜外轉而在外之臣果有才幹優
長練達老成自外而陞入者良有以也
愚以爲向後所有

乾清宮內之臣循照資俸職銜止令在內而轉
永以爲例庶臣工知所遵守而體統得以
有分矣如果
皇上鑒俞施行順治拾貳年拾月貳拾肆日題
貳拾伍日奉

御旨司吏院議奏欽此
條議秉筆品級疏

題爲拾疏秉筆品級未定仰祈

睿鑒以重

器使事竊照我

皇上選一材必取一材之用設一官須有一官

之品今以肆殿乃密勿要地秉筆誠日侍

天顏職司

顧問承接

綸音然而品級高下尚無成規何以定陞降而

別秩叙乎合無仰請

睿裁俯賜酌定不惟品秩有畫一之規旣

朝廷至尊之地亦不致有品不稱職之褻矣如

果臣言不謬伏祈

皇上鑒俞施行順治拾貳年拾月貳拾肆日題

貳拾伍日奉

御旨司吏院議奏欽此

年終自陳疏

奏爲微臣年穉才疎重任實難肩荷謹揣分

自陳祈

內金奏章 卷之一 二
准罷斥以安臣分事切臣一介寒微荷蒙

恩異拔臣於泥塗之中

授臣以表率之任

陞遷稠疊

恩賚異常臣卽犬馬有知亦思捐糜報

主曷敢妄有塵瀆但臣年尚穉學職荒疎况司

吏乃清要之司承院爲首領之職以臣望

輕位重久處非宜責名循實真有一刻不

能自安者茲值年終甄別之期正進賢以

退不肖之日用是揣分自陳伏祈

俯鑒愚誠

准臣罷免

別簡賢能以充院職庶重地不致曠官而臣愚

少安微分矣臣不勝惶悚待

命之至順治拾貳年拾貳月拾伍日奏拾柒日

奉

御旨王進善精勤敏練才力素優銓衡重任正
藉料理應將歷事壹年政績察議具奏司吏

內金奏章
卷之一
六
院知道欽此

請辭自陳加級疏

奏爲

天眷彌隆臣心益懼謹瀝誠控辭懇祈

准辭新命以安臣愚事竊惟

國家之爵賞原以予非常之功

朝廷之品級所以及忠勤之士苟非其功非其

人而濫膺

異數叠受

殊恩者是謂冒叨是謂貪祿非臣宜之所敢出

也臣以疎庸誤蒙

任使濫竽吏院將逾一年頃以年終甄別賢愚

之候具有微臣年穉才疎重任實難肩荷

一疏於拾貳月拾柒日奉

御旨王進善精勤敏練才力素優銓衡重任正

藉料理應將歷事一年政績察議具奏司吏

院知道欽此該司吏院察議具覆於拾貳月

貳拾陸日奉

丙金奏草 卷之一
御旨王進善沉識雅度博練貞宏屢著條章具
徵忠亮著加陞一級照舊供事該衙門知道

欽此 臣 莊誦

溫綸不勝感激不勝愧懼仰惟

洪恩優渥

君命崇嚴

臣

豈不知承順之爲恭瑣瀆之爲罪

但念

臣

行能無取才術甚疎致身偶際於

風雲當事更慚於寡學孜孜矻矻徒懷報

主之忱碌碌庸庸靡著匡時之績屬當程課宜

在黜幽乃避位之章未蒙

俞允而綦隆之典復及草茅臣實何人濫叨至

此臣雖不敏嘗聞先賢之於明主以至寵

爲至危以至榮爲至苦即使才足服人望

能鎮俗尚當循止足之分避盈滿之災况

臣 才劣望輕叨

恩竊祿常典之外破格崇隆目前之所承受蓋

已過矣尚可以激非分之榮冒加級之典

乎且 臣 蒙

內銓奏草 卷之一 三
渥已久無論見任官階從前祿

賜自頂至踵無非

厚恩如復覲顏承受不卽控辭上虧

朝廷鑒別之公下虧人臣止足之義非所以重

內政而勵臣節也伏祈

皇上哀其誠勿窮其詞亟將

成命收回使臣慚面尚可以見人餘福尚畱以

事

主則

盛朝禮下之仁微臣守身之義皆足以垂光百

禩風示

內庭矣臣愚不勝感激顙懇之至順治拾叁

年正月初伍日奏初陸日奉

御旨王進善持衡考績吏政允修計典加恩已

有成命著卽祇受不准所辭該衙門知道欽

此

再辭自陳加級疏

奏爲再疏懇祈

天恩准辭

新命以宏造就之仁以遂犬馬之私事臣昨蒙

皇上有加級之

旨臣自知庸菲分不敢當具有

天眷彌隆臣心益懼謹瀝誠控辭懇祈

准辭

新命以安臣分事一疏正月初陸日奉

御旨王進善持衡考績吏政允修計典加恩已

有成命著即祇受不准所辭該衙門知道欽

此臣捧誦

恩綸惶悚無地臣有不敢不再辭者謹復以下

情為

皇上陳之竊惟爵祿乃臣之命

朝廷之名器而

上賞原以待夫功臣蓋以爵稱其職名符其實

也故

君無濫及之恩臣免素餐之誚止期無越乎分

量而已耳臣本草莽凡材生長

盛世荷蒙

皇上曲賜栽培

洪恩上侔於雨露驟登高位寒微躡等乎雲霄
叨竊逾久瘵曠逾多區區狗馬以供驅使
如

天罔極方慚莫報况敢當

寵命頻頒而使臣享崇隆之品乎臣聞斗筭之

器滿則易傾蒲柳之姿柔而易瘁自揆職
分已自逾涯更晉崇階驚危莫措臣自揣

無能罔通經術既乏經天緯地之才又無
左右輔弼之力年方弱冠望不足以範羣
僚器量淺薄分不堪以承

任使徒擁

崇秩有玷官常在

皇上賜臣品級日隆一日在臣妄膺

眷命時慮一時臣再思維與其陟於高危不若

安於愚賤常隨侍從之班敢捐犬馬之力

伏祈

皇上鑒臣再竭之忱成臣辭榮之志

准辭新命仍任原銜臣生臣長之年勉承

提命之德容臣漸摩於學問稍恢弘其器識或

得微長異圖寸報則自頂至踵總荷

生成造就之厚德於無涯矣臣不勝惶悚待

命之至順治拾叁年正月初拾日奏本日奉

御旨王進善宏才偉器大服輿情計竣加恩原

屬守彝典著卽祇遵成命不必遜辭該衙門知

道欽此

三辭自陳加級疏

奏爲

恩綸愈被臣愧益增謹參疏懇辭

隆命仰祈

睿鑒葵忱事臣自蒙加級之

命感

思量力日夕籌維

天高地深總莫能報是以一疏再疏惟冀

准辭以安臣分孰意

皇上重加

眷顧於正月初拾日復奉

御旨王進善宏才偉器大服輿情計竣加恩原屬彝典著卽祇遵成命不必遜辭該衙門知道欽此臣跪讀之下五內徬徨寤寐之中益

深感愧伏念

君之視臣如

天之生物蓋因材而篤也如臣蒙

恩重疊再辭不允靜夜自思或謂微臣之條章

間有可採乎此不過芻蕘之見稍佐內政

愚夫千慮一得之長也或謂愚臣之勤劬

微有足錄乎此無非犬馬之力仰荅

高深結草銜環萬分之一也奚敢當加級之

鉅典膺參賜之

恩綸况臣素性樸質悃悃無華身體髮膚總是

皇仁之覆育管窺未見咸蒙

至上之提擢臣有何德何功而過叨

優渥至此且臣以受

恩深重報荅惟有寸心猶戴

天惟知敬畏竭盡愚誠之外一無所長至於弘

綱巨紀

皇上自有宸鑒分猷自有諸臣乃臣之分量如

此之卑而爵位至此已極過分之榮臣則

萬萬不敢承受也用是再疏控辭伏祈

鑒臣縷陳之情原臣安分之志

准收成命容臣以原銜舊職勉効馳驅是

成臣知足之名皆

皇上特典之及矣臣不勝跼蹐戰慄之至順治

拾叁年正月拾貳日奏本日奉

御旨王進善粹品弘猷持公秉正加級示勸原

非踰格屢旨已明還着祇遵成命不必固辭

該衙門知道欽此

四辭自陳加級疏

奏爲

殊恩叨冒已極崇秩萬難祇承謹四瀝血誠懇

祈

內銓奏草 卷之一
准收成命以盡螻蟻愚忱事臣學植空疎行能

薄劣猥蒙

曠世之殊遇叠荷

寵賚之頻加方以不能稱職爲慚而返叨加級

之

典凡臣不敢當之大義與不能安之至情前疏

業已詳言之矣滿望

天鑒垂察原

臣區區狗馬之念必

賜俞允豈期臣之參疏於正月拾貳日復奉

御旨王進善粹品弘猷持公秉正加級示勸原

非踰格屢旨已明還著祇遵成命不必固辭

該衙門知道欽此臣恭誦

綸音彌增慚懼伏念

臣因緣遭際久玷銓衡位

秩已崇祿賜已厚然而屢控而不止者誠

不敢以臣之不肖上褻

國家之典章下虧臣子之分義也臣請再畢

愚誠惟

皇上裁察焉夫大臣之於

朝廷必有鴻碩之才乃可以勝艱鉅之任而不

然者謂之曠瘵必有崇隆之績乃可以膺

殊特之

恩而不然者謂之冒濫臣奉職無狀遇事多疎

以至愚至陋之資事極

神極明之主中間粗心淺議不知經

宸度多少包容煩

宸衷多少指縱臣方日夕憂惶愧感交集詎者

再叨

異數屢沛

德音臣獨何人敢於祇受聞造物忌滿鬼神

忌盈居寵則多危乘高則疾僨臣雖愚昧

頗信此理如

皇上不以臣為庸駑必欲備馳驅於

左右則必使臣中無愧怍後免憂虞然後可以

勉效涓埃冀加鞭策今

皇上必加臣以非分之榮是

主恩過重臣分至薄萬一無福以承轉生疾病

非所以愛臣渥臣適所以速臣之災也伏
祈

皇上矜臣之愚

允臣之請

俯念臣累辭之誠憐臣卑末之分亟收

前命使臣進無貪冒之譏退有辭榮之美則

皇上之禮全終始

恩竝生成矣臣不勝悚息懇祈之至順治拾叁

年正月拾叁日奏拾玖日奉

御旨王進善恭勤篤敬茂著嘉猷彝典加恩已
有明旨還着祇承成命甚勿固辭該衙門知
道欽此

奏謝加級疏

奏爲恭謝

天恩事臣以疎庸頃值年終自陳正引退之際
荷蒙

皇上洪恩優渥加陞壹級臣思疊叨

榮寵已屬至極揣分莫敢承受隨具疏四懇未

蒙

俞允咸荷

温綸臣仰遵

明命不敢再疏固辭謹叩頭祇領恭謝

天恩惟矢期勉圖報稱而已矣臣曷勝頂感之

至順治拾叁年正月貳拾伍日奏貳拾捌

日奉

御旨覽奏謝知道了該衙門知道欽此

